



In dumènia ai 11 de Setèmber é gnü sughé la secunda partida dl campionat 2011/2012 de 3° categoria por La Val. La partida é gnüda sugada te cíasa contra la squadra da Neustift (squadra nöia por La Val). Trèi punc meritá por La Val, che é bugn da bater Neustift por 5 a 3. Na buna prestaziun soradüt dal attacco cun 5 de bi goi.

La partida á metü man bun por La Val, bel dô püc menüc é La Val prigorosa dan porta. En bel passaggio dala fascia ite röia sön Florian, mo bel avisa canche al é por trá scbriscel sot fora. Mo püch dedô é bun da fa le prüm gol por La Val. Daniel Frenes röia sön la fascia cun en bel passaggio de Romeo, al é bun da mèt la pala bel ite sön le rigore ulache Florian aspeta. Cun en bel tiro al volo é bun da bater le portier. Dô che la pala röia sön le secundo palo röiel indô le pal te porta, en bel palo-gol al volo. La squadra avversaria ne é nia prigorosa, mo la difesa da La Val se stënta impó en pü ia dedô, suradüt deache ai sogá massa destacá un da l'ater. Sön en pice fal de en difensur röia en atacant da Neustift su dan porta, al pasa ia al compagn mo chël ne é nia bun da apogé la pala te porta. Sepl foss stè batü, mo por fortuna ne al nia aotchè le pal. Chèsta é stada üna dles püces aziuns dl Neustift tl prüm tèmp.

L'secundo gol garetá sön rigore, dô che Frenes Daniel é gnü mazè jö te area. Micky se prejentèia söl set y spiazèia complet le portier. L' prüm tèmp se stlusc jö sön le 2 a 0 por La Val. Da mèt man dl secundo tèmp é La Val che süga sciöche ai sá da sughé, cun le pal bas y de beles combinaziuns. Insciö garetel ince le terzo gol por La Val, cun Moling David. Dopo é i menüc de Rubatscher Florian che fesc cíamò dui goi. Sön le cuarto gol d' La Val é Daniel Frenes che fesc en bel recupero dl pal dlungia l'angolo, ulache le portier avversar y le defensiva ne se á nia cis capí. Al pasa ite a mez, Florian mèss ma plü apogé te porta.

Sön le 4 a 0 é l'arbitr che fischia en rigore contra La Val, al è netto. Sepl ne é nia bun da le parè. Dopo é indô Florian che é bun da fa le 5 a 1, cun en bel tiro ad effetto che röia sot le set contra le palo y spo te porta. La Val mina da avèi insciö la partida tles mans y se lascia insciö in pü dô fora. La difesa ne é nia plü buna da gní sö y insciö é en gran büsc danter centrocamp y difesa. Le 5 a 2 ti garetá al Neustif sön na punizione ite a mez y cun en colp de testa é bun l'atacant da spiazè Sepl, che ne á degüna colpa. 5 menüc dala fin fesc cíamò Neustift l' 5 a 3. La partida se stlusc jö sön le 5 a 3 por La Val.

Cun chisc trëi punç se porta La Val al 3° post te classifica.

La formaziun titolara: Kantioler Sepl, Castlunger Marco, Ploner Werner, Tavella Thomas, Sottara Werner, Frenes Daniel, Tschaffert Ivan, Rubatscher Romeo, Frenes Michael, Moling David, Rubatscher Florian.

Sostituziuns:

Nagler Max por Frenes Michael

Valentin Elmar por Tavella Thomas

Sottara Freddy por Tschaffert Ivan

Por udëi i atri resultač drüca (ince di atri championáč ulache sogadusc da La Val süga para) drüca: [resultač](#)

Por udëi fotos dla partida drüca: [FOTOS](#)